



Broj: 05/7-39-1-158-10,1/23

Sarajevo, 29. 8. 2023.

## Z A P I S N I K

### 10. sjednice Vijeća nacionalnih manjina BiH, održane 29. 8. 2023.

Sjednica Vijeća nacionalnih manjina BiH počela je u 17 sati.

Sjednici su prisustvovali: Zamire Sokoli-Begović, Davor Ebner, Skender Mustagrudić, Franjo Rover, Ernest Grin, Saša Mićin, Todorka Jovanović, Velibor Kuvač, Mujo Fafulić, Igor Kotjelnikov, Mihal Hemun, Danijel Štefek, Dragica Tešić, Hakan Varan, Željko Vaško, Violeta Džolan, Dejan Piotrovski i Miroslav Bobrek.

Sjednici je, također, prisustvovala i Vladana Savić, stručna savjetnica u Sektoru za druga parlamentarna tijela.

Za sjednicu je predložen sljedeći

## D N E V N I R E D

1. Razmatranje Prijedloga zapisnika 9. sjednice Vijeća nacionalnih manjina BiH;
2. Razmatranje Informacije o izvršenju planiranih sredstava Vijeća nacionalnih manjina BiH za period od 1. 1. do 30. 6. 2023, broj: 05/7-39-158-10,5/23;
3. Rasprava o Informaciji o položaju nacionalnih manjina u obrazovanju (podnosilac: članovi Radne grupe);
4. Tekuća pitanja:

- a) Informacija predsjedavajućeg Vijeća nacionalnih manjina BiH o dopisima upućenim: Predsjedništvu BiH, Vijeću ministara BiH, Ministarstvu za ljudska prava i izbjeglice BiH i Ministarstvu civilnih poslova BiH, u skladu sa zaključcima donesenim na 9. sjednici Vijeća nacionalnih manjina BiH, održanoj 17. 7. 2023,
- b) Informacija predsjedavajućeg Vijeća nacionalnih manjina BiH sa sastanka održanog u Ministarstvu za ljudska prava i izbjeglice BiH u vezi s javnim pozivom za dodjelu sredstava granta;

5. Ostalo.

Nakon uvodnih riječi predsjedavajućeg, dnevni red usvojen je jednoglasno.

#### **Ad. 1. Razmatranje Prijedloga zapisnika 9. sjednice Vijeća nacionalnih manjina BiH**

Nakon uvodnih napomena predsjedavajućeg, Zapisnik je jednoglasno usvojen.

#### **Ad. 2. Razmatranje Informacije o izvršenju planiranih sredstava Vijeća nacionalnih manjina BiH za period od 1. 1. do 30. 6. 2023, broj: 05/7-39-158-10,5/23**

Članovi Vijeća nacionalnih manjina BiH nakon iscrpne rasprave, u kojoj su učestvovali Mujo Fafulić, Dragica Tešić, Hakan Varan, Franjo Rover, Saša Mićin, Skender Mustagrudić i Violeta Džolan, primili su k znanju informaciju uz zaključak da se zbog nejasnoće u dijelu informacije koja se odnosi na troškove dnevnica u zemlji u iznosu od 462,50 KM, uputi dopis Sektoru za finansije PSBiH i zatraži detaljna informacija o tome kada, kojim povodom, kome i u kojem iznosu su isplaćene dnevnice u zemlji u navedenom iznosu.

#### **Ad. 3. Rasprava o Informaciji o položaju nacionalnih manjina u obrazovanju (podnosilac: članovi Radne grupe)**

U ime Radne grupe koja je izradila Informaciju o položaju nacionalnih manjina u obrazovanju, Informaciju je prezentirao Željko Vaško.

U iscrpnoj raspravi koja je uslijedila povodom prezentirane informacije, učestvovali su Željko Vaško, Mujo Fafulić, Saša Mićin, Danica Tešić, Miroslav Bobrek, Igor Kotjelnikov, Hakan Varan, Violeta Džolan, Velibor Kuvač i Dejan Piotrovski.

Učesnici u raspravi ocijenili su da je Informacija izuzetno kvalitetno sačinjena te da predstavlja temelj za naredne aktivnosti u pronalaženju modaliteta za svrsishodno i kontinuirano izučavanje jezika nacionalnih manjina tokom osnovnog i srednjeg obrazovanja. Članovi Vijeća ukazali su na nedostatak sistemskih rješenja kao i neophodnost promjene zakonskih propisa kako bi se poboljšao položaj nacionalnih manjina u obrazovanju. Također, istaknuta je potreba saradnje s relevantnim obrazovnim institucijama kako bi se osigurala adekvatna sredstva za projekte (posebne školske programe ili online platforme) organiziranog učenja jezika nacionalnih manjina. Dogovoreno je da se navedena informacija ažurira i tehnički uredi, te kao takva proslijedi nadležnim obrazovnim institucijama.

Informacija je primljena k znanju sa 16 glasova „za“ i jednim glasom „suzdržan“.

#### **Ad. 4. Tekuća pitanja**

- a) Predsjedavajući je upoznao prisutne o dopisima upućenim: Predsjedništvu BiH, Vijeću ministara BiH, Ministarstvu za ljudska prava i izbjeglice BiH i Ministarstvu civilnih poslova BiH, u skladu sa zaključcima donesenim na 9. sjednici Vijeća nacionalnih manjina BiH, održanoj 17. 7. 2023.
- b) Predsjedavajući je upoznao prisutne o detaljima sastanka održanog u Ministarstvu za ljudska prava i izbjeglice BiH u vezi s javnim pozivom za dodjelu sredstava granta.
- c) Predsjedavajući je informirao prisutne o dopisu Vijeća nacionalnih manjina Federacije Bosne i Hercegovine u vezi s inicijativom za uspostavljanje saveza nacionalnih manjina Federacije Bosne i Hercegovine.
- d) Predsjedavajući je informirao prisutne o dopisu Ministarstva za ljudska prava i izbjeglice BiH u vezi s dodatnim pitanjima Savjetodavnog odbora za Okvirnu konvenciju za zaštitu nacionalnih manjina u Bosni i Hercegovini.

Informacije su primljene k znanju uz zaključak da Vijeće nacionalnih manjina BiH ne raspolaže adekvatnim podacima kako bi dalo odgovore na tražena pitanja, te da smatra da bi na na pitanja iz

navedenog dokumenta trebalo da odgovore relevantne institucije na državnom, entiteskim i kantonalnim nivoima.

#### **Ad. 5. Ostalo**

- a) Franjo Rover predložio je da Vijeće uputi zahtjev Ministarstvu civilnih poslova BiH za održavanje sastanka s ministricom civilnih poslova kako bi se razgovaralo o sredstvima granta koja dodjeljuje Ministarstvo civilnih poslova BiH. Prijedlog je jednoglasno prihvaćen. Dogovoreno je da sastanku prisustvuju Mujo Fafulić, predsjedavajući Vijeća, Violeta Džolan, druga zamjenica predsjedavajućeg Vijeća, i Franjo Rover, član Vijeća.
- b) Saša Mićin predložio je da se Vijeću ministara BiH uputi molba za usvajanje Aneksa zahtjeva za povećanje sredstava granta u oblasti ljudskih prava za 2024. godinu, kako je sugerirano u dopisu Ministarstva za ljudska prava i izbjeglice Bosne i Hercegovine.

Naredna sjednica Vijeća planirana je za 21. 9. 2023, s početkom u 17 sati.

Sjednica je završena u 18.35 sati.

**Stručna savjetnica u  
Sektoru za druga parlamentarna tijela  
Vladana Savić**

**Predsjedavajući  
Vijeća nacionalnih manjina BiH  
Mujo Fafulić**